

四庫全書

集部

欽定四庫全書

集部

因園集卷八

詳校官左中允_臣唐五珠

助教臣常循覆勘

總校官進士臣朱 鈐

校對官編修臣方 煒

謄錄監生臣李 茗

欽定四庫全書

因園集卷七

左贊善趙執信撰

葑溪集

微山湖舟中作

舟前湖決潏湖上山橫斜湖中何所有千頃秋荷花山
雨颯然來風香浩無涯移丹青紅端飄若凌綺霞林光
村遠近樓影帆交加疑是桃花源參差出人家流覽情

所喜避地想更佳何必博望侯虛無乘海槎

山陽題李學士惺齋鎰歸釣圖

李侯抱微尚汨沒金馬門手持史臣筆夢爲漢父竿
天子不聽還益復崇其官入直殊蕭散退食乃吟歎釣臺
歸老計挂口二十年於今欣得遂忽若龍鶴翻舊侶復
相逢清淮照病顏高官不可見但見白鬚繁顧笑韓淮
陰遺墟亦荒烟信知黃閣尊何如秋水使我雖山中客
屢刺江上船君其釣白魚來往爲我餐

暮雨過召伯鎮泊揚州

風起鵲鵲鳴高帆縱暮程湖翻遙海勢雨挾晚秋聲衰
鬢三年客荒烟六代城清宵十里郭留月向誰明

雨中過查編修德尹嗣琛寓齋楊編修崑木中

訥亦至小飲志別二首

二君皆
在詩館

憶別塵埃裏重逢江海間我來先落葉君舍似深山松
桂雨中綠書琴秋日閒廿年一樽酒新照鬢毛斑

楊子翩然至相看淚轉揮九原知己盡四海故人稀騷

雅時方盛漁樵道未非悲欣付酣醉岐路各翻飛

嵩木先公

少司馬余座主
也去歲新逝

寄曹荔軒寅使君真州

聞道高樓臨水起使君坐卧此樓間帆檣競作魚龍戲

賓客空和燕雁還唐代精靈應有屬

曹實司
詩館

清秋烟月

肯教閒遙憐解帶銜杯裏收取江南幾許山

江上阻風

放舟下瓜步江遠海天逼初曦將宿陰繚繞絢秋色林

聲發驚響野水動平碧風從東南來欲蕩邦溝直新潮
復大上急雨更交射徒聞挾舵勤進寸退乃尺屢因欹
岸轉漸與頽波即心豁津樹橫目懾洲烟圻中流本雄
曠足逞馮夷力霆雷無節奏龍怪有跳躑是時凭舷人
快意危疇昔翻思造化功不在通南北濤瀾可恒怒舟
楫願終隔截然燥濕分脩爾往來息土風不相移民患
從茲釋天聽方喧飀長謠竟何益

雨泊虎邱

十里浮圖影三年舴艋舟溪山總相識風雨復遮留烟
樹空波映秋燈小肆幽橋邊憶斟酌遣夢與同遊

虎邱有斟酌

橋酌

小舟沿葑溪至李萊嵩照使君別業對飲話舊
知王南村亦客此二首

秋水迷城郭悠然小艇來碧溪新結屋端爲故人開桐
竹細含雨軒窗虛照苔心情無恙在未減昔銜杯

寒日傳書遠

去冬使君以書見招於天津

江天鼓棹遲祇緣憂俯仰

豈敢避旌旗迹已飄蓬慣身從道殢遺年來問生事賸
被子猷知

新晴與南村及張超然遠暫過虎邱

虎邱好秋月我來逾所聞正當積雨晴亭午烟景新寺
門畫舸集冶遊何繽紛顧笑萬衆中有此三數人櫛比
見華館喧闐羅芳樽竹樹酒炙叢水石紅粉春云方初
弦時歌管鬱未陳預愁三五夜客夢驚心魂臨高野四
望歷歷多松雲何人赴幽賞惟有清遠君因知習俗古

彌感氣象尊廻棹同所適月明白鳥羣

中秋與南村泛舟石湖望月

王郎與我能無愁客中放棹尋清秋清秋了知在何許
且遠城市辭歌謳胥江水洗天宇淨片帆輕駛如星流
橫塘西去見山影蒼翠豁露霜烟收楞伽靈巖兩迎揖
此中安得無夷猶湖光一曲縈我舟與子呼酒相勸酬
以湖爲酒恣拍浮須臾湖月忽晃漾照映天上白玉樓
鬚眉蕭颯風颼颼飄然疑墜海外洲却視人世真蜉蝣

我已一身隨落葉子亦一官成贅疣不見吳越俱荒邱
魚城酒城何處求伍胥種蠡同浮漚惟有石湖湖上月
曾照石湖居士遊西施溪畔餘溫柔坐中微笑寒花羞
予既醉矣我未休迴颿撾急不可留夙昔中秋有此不
令我却憶西湖頭

小舟曉入閭門至葑溪口號四首

閭門進船處星沒遠鷄鳴舟子暗相喚遙分蕩槳聲
太陽欲上時比戶人未起一點曉光鮮先落儂船裏

舉橋猶衆橋豈有雲虹駕苦爲梁伯鸞低頭出其下
燕壘向空懸蜂窠臨水聚小門一一闕不辨垂竿處

九日石湖

前日石湖氣澄澈惟照碧山與明月今日石湖勢紛綸
長篙短楫多於人我過橫塘沽斗酒欲與鳬鷗作重九
中流且去恣逍遙月來人散湖蕭蕭

月夜重過彩雲橋口占

湖山索莫夜迢迢霜信風中酒易消還是秋來可憐月

照人獨上彩雲橋

送孫發舟北返

漸老情懷劇耐秋
暮寒掩抑獨臨流
從今夜夜還家夢
一半分將傍汝舟

偶過滄浪亭十二韻

間闊滄浪甚閒行
一暫窺簷楹晴日
好荷菱晚秋衰徑
入延緣仄池懸畧
杓危新亭芳宴數
舊物石枰疑勝豈
東南盡花將富貴
移每聞呵殿至轉
恐鷺鷥知憶把松

枝塵曾通藥石規風流寧足競誕傲竟何辭蜀國登牀
日樊川索笑時由來主壇坫不在倚旌麾蕪沒都官渡
蒼涼刺史祠九京呼子美相賞詎闕詩

蘇州府學雜題四絕

南園千畝任流螢誰爲王家更勒銘一種迎春與消暑

皆錢氏
亭臺名

時人賸上道山亭

學中土
山名

五柳風流自得師爭教劉白敢同時木蘭堂裏分明道

千古清香屬左司

韋公
祠

合向宮牆廁一隅廿年遺愛倍霑濡後來好事思鄰並

却是千金買得無

湯公書院

短籬破屋廣文貧竹徑蔬畦野客親落日西風聞鼓角
披襟無限庾公塵

飲泮池木芙蓉畔贈學博士

微霜入紅萼臨水色更好不以地閒澹遂使意枯槁清
樽戀池上皓月窺林表秋靜夜澄明與君展懷抱

師子林贈主人張顓三士俊

高亭擅一邱怪石擁四面坐疑夏雲起顧覺秋山亂初
窺惟谿谷漸歷有登踐區分礪壑成徑紆尺咫變深洞
轉地中飛梁出簷畔前行鳥投巢後至狖緣棧峯巒入
衣袖松桂吹霜霰猶被元時苔復充目前玩我本巖穴
士繭足攀躋慣羨爾市廛居閉門恣幽竄

又絕句

才華敢擬鹿門生佳士相看合有情滿屋藏書滿庭石
如君便是二遊并

出郭

扃戶坐烟水不知秋已深偶然浮小艇出郭見霜林初
日照溪色微風吹棹音試與清絕處聊繫欲歸心

夜抵常熟宿攬秀東軒感懷

庚辰省故座主翁
大司寇留止兩月

秋暮辭歸遂爲永訣壬
午夏暫至不宿此軒

華燭清樽識鬢霜重來又過五重陽馬公禮樂空相付
陸氏田園已盡荒東閣郎君還下榻西州義故獨霑裳
黃花零落和寒雨憶引彭宣到後堂

虞山有吾谷谷中楓林甚盛將往觀而諸子請
俟明日余不可遂載酒遊焉夜歸輒雨逮曉彌
甚爲長句簡同遊者

楓林蕭森新得霜虞山佳處雲錦張昨來挈舟隔十里
暝色爲我開纁黃晨朝故人許鄉導舉趾修欲從風翔
臨行胡然有改計道傍築舍空迴遑郭門西去不五里
詎要卜吉仍春糧勝境到眼棄不取山靈應笑癡非狂
烟溪一棹樣谷口幽徑頓入秋茫茫萬夫羅列何萃律

亂霞飛墮紛披猖丹砂翠羽不可別交枝動影爭斜陽
何年高人參造化手植巨麗留山岡青女有情妙點染
慘澹耻與春頡頏我曹寄身殊恍忽絳宮碧落仙人鄉
同來少長數得七潦倒誰是籍與康中林纍纍見邱墓
對此安得辭壺觴昏夜呼火照豪舉燈燭映樹收光芒
醉歸揮手興未盡後期一昔寧荒唐東軒靜卧雨驚夢
猶疑落葉投匡牀天明起坐忽自笑始願若失今難償
人生快意及旦暮莫令事過徒感傷諸君畏濕幸不出

他時秋雨莫相忘

對雨憶破龍澗呈王西澗材仕同年

近卜居虞山

絕澗實泓峥剌境亦幽異松風橋上下客夢時一至將
老子已營暫往我未遂最憶石上苔晶瑩點寒翠

胥江曉泛有懷南村

寒烟漠漠曙江平柔艣何心有送迎忽憶隔窗人草草
渡頭和月喚船聲

寒夜與張漢瞻雲章食鱗

葑溪公子排寒來風味乃出太湖上

蟹即城外池中出

登盤乍

晃赤玉光入手猶驚怪石狀金膏雪膾與口宜把酒持

螯覺神王竹林飲戶竟參差援下談鋒互雄長

張不飲

燈

前爾雅再三讀明日懸知各無恙莫將羊酪調茂弘定
有魚牋訓魯望

數過前長洲令陳變公治策僑寓園池二首

彭澤何須去桐鄉定可居高蹤三江水長物一牀書故
吏教賒酒寒畦自擷蔬慙君謬恭敬猶爲病相如

相近門如對頻來鶴亦親
霜池空映月板屋小宜人
僮僕形骸忘去聲交情放廢真
江東舉杯侶誰復似陳遵

雨中與燮公同舟過萬里橋

久客閒故佳微雨出不厭
舟如鳬孤躍人與萍同泛
曉溪呈宿淨霜葉送餘豔
棹意入烟輕山姿向寒斂
深情屬促膝狂興引掀髯
雲重喜爐明風嚴知酒醺
人生快朋儔流落何足念
萬里起船頭蒼茫詎能纜

秋憇軒贈海寧陳副使傅巖世安

幸自城中隱於人息外求前榮虛受日小沼淨涵秋有
子續書卷留賓分酒籌逍遙君已領鵬鷄任同遊

翁雲木餉酒及鳧

翁名樓居
洞庭東山

我聞東西山下臨三萬頃人參水仙居地與洞天併常
通縹緲夢虛對明月影欲往畏風濤

今冬湖水大上

披圖但引

領君過詫靈勝比日聽清省伴來致醇醪一啜得雋永
慧山光自隱南潯氣莫逞恐是林屋開瓊液漏塵境殘
燈共微酣竟夕失孤冷更見素盤中珍禽燦雙頸身手

鬱未試口腹默已幸終擬縱幽探况煩屢勤請春波帶
水消烟棹當風整期君梅花時香雪滿諸嶺

問訊傅巖卧病

酒闌冒憶共憑闌池上蕭蕭惹暮寒乍可藏身耽屋暖
未容伏枕送冬殘遙憐翠袖如雲侍時放清眸似電看

陳多
姬侍

廡下故人空弔影待君強起勸加餐

代滄浪亭送別

滄浪亭子春無主亭下寒波泣烏雨北風一夜山自移

城中百萬人不知朱闌綺疏將誰託過客長吟向寥廓
可憐百本洛陽花更爲東君幾開落湖州長史驚破顏
還我舊日荒溪山溪山有靈面發赤比年但就東家食
高天慘澹連春陰雷雨一洗亭蕭森欲知去後懷恩者
精舍僧雛獨抱琴

傅巖頃疾愈以書來云已遣之故鄉致佳釀須
至同醉二十韻訊之

孟公自雄豪偶疾乃易起終依磊砢流肯效兒女子昨

日讀我詩大笑非知已身騰元龍牀筆奮仲連矢咄咄
來逼人洋洋遂盈紙相勞無幾言取醉其大指致師勇
欲賈成列時猶俟遠信要翅生越在東海俟我昔渡浙
江頗嘗飲清旨聞之色飛動瞑坐篝烟水連朝積霜霰
失計困沉淖豈無賢人來都未具妙理跡寄偶幃中夢
落恒甕底大聲呼芳醪湏女澆塊壘極知虎難櫻尚覺
獵可喜公明膽忽剛子反敗何耻請君趣白墮更爲馳
黃耳勞逸固不齊客主各有恃雲龍許追逐虞虢羞肩

齒天下健者誰但容壁上視

贈阿童

史生小僕也余飲酒須熱惟阿童能供之不失其度故贈以詩

南人飲酒如飲水細掬甘泉潤牙齒北人飲酒如飲湯
腸熱不願生微涼南人北人互相笑並坐茫然判寒燠
我爲諧語卿無嫌北人自北南自南吳中賢豪遞開宴
愛我踈狂日相見酒行到口儼未嘗却指金樽頻索換
僕人頻蹙煬人嗔立監佐史皆逡巡阿童阿童絕解事
爲我執爵留陽春芳醪吐雲杯炙手蜺吸鯨吞落誰後

襟懷浩蕩膽輪困憶向他家未曾有主人愛客儘能知
客於此後來無時劇憐北去山齋夕對酒歡騰獨爾思

題春墅晚歸圖

春風開花花滿家主人出看江頭花朝和卯酒上驕馬
嘶入春風藤笠斜江頭日日人如織主人何人不相識
昏酣不覺往來頻到處據鞍傾一石長江解渴無時醒
快意但與花逢迎青春未肯私白日曖曖西山烟景逼
歸時翻訝日能沉委轡垂鞭爲花惜馬前呼門聲欲低

主人醉夢花猶迷

顧霖蒼索贈

歸心如殘歲飄忽不可止既發復停橈乃爲二三子虎
邱往來會相送每彼此住久混鄉闕裏回臨水淚諸君
亦恨恨不與他時似我何以得斯坐中慨然起憶從客
名邦已閱兩星紀知交間新故投契存終始歷畹采芳
蘭撻林賞杞梓愧非晏相賢謬荷季札喜半生累踈狂
所至足嗤毀豈知在詩中竟未遺一矢酒樽注江河詩

律錯宮徵初猶隔形骸近欲決肌髓風流固易散苦樂
本相倚欲知別時情請喻聚時指長康索贈言我意正
難已便恐雜慘悽何心競恢詭把袂且須臾登艫即千
里去去從此別人生偶然爾

虎邱留別相送諸子

北風何意阻歸舟海湧山前半日留轉覺離心劇楊柳
寒梅初發小橋頭

更與諸君各盡觴擬將酩酊敵淒涼文通多事關人別

管領銷魂只杜康

白舫青樓習醉翁
湖山花月興何窮
經遊一一俱無恙
贏得臨行似夢中

梅雨拈烟處處宜
前身自笑是吳兒
卽看相送人如許
不信參差隔夢思

因園集卷七

欽定四庫全書

因園集卷八

左贊善趙執信撰

紅葉山樓集

夏日移居山莊四首

長日生清興幽樓向遠山
去人惟恐近無事更圖閒
白石知心素黃鸝約往還
悠然顧城市便覺不相關

香綠襲衣裾逍遙恣所如
田家麥秋至村落棗花初
舊

蠟登山屐新鈔種樹書北窗容倦卧無暇賦閒居

南風吹好雨與我忽同來野色一時活嵐光四面開林
花爭浥露園笋乍抽雷誰訪清涼國平分頓遜杯
欹枕雨聲清高樓馬耳平嶽雲飛斷續溪漲上分明屢
庇心難遂田疇計已成沉吟身世事惟有學躬耕

即事

繞屋千章樹連村二頃田溪聲翻麥浪山雨淨林烟地
僻聊充隱樓居不學仙祇應似彭澤種秫徧門前

村舍

亂峯重疊水橫斜村舍依稀在若耶
垂老漸能分菽麥全家合得住烟霞
催風箏作低頭竹傾日葵開衛足花
雨玩山姿晴對月莫辭閒澹送生涯

積雨寄稼民弟方同在此莊

同爲岳陽人屋宇相參差如何十日雨
迢遞成天涯登樓見場圃麥積高離離
盈村泥活活芒屨無所施山雲翳然起
羣峯不相知門前流浪平聲水倏去如風馳
晨朝

攬鏡歎濁酒思共持努力保百年永與稼穡期

携酒溪頭酒盡雨至

携酒溪上飲酒波相映清林風東南來颯然吹我餅山
雲亦大上迷漫如炊蒸雨脚森森明青天引萬繩主客
相視笑興盡可以行徑滑沙自軟衣霑體更輕迴望莽
蒼間人牛紛縱橫始憐力耕者未是心無營

新晴

好雨無妨久新晴更自佳兒教送藤杖僕爲晒襦韞山

翠濃霑袂溪風亂入懷閒身東興出偏與夕陽偕

望夜雨

雨師長傍岳陽行夜半懸簷有瀑聲清夢驚迴牀漏徹
水晶宮闕月朧明

舍弟三人各自其莊至

城中聚族居兄弟良足歡深林有曲枝積水多濤瀾竭
來掩山扉孤鴻下長川豈不耽閒寂對食恒憮然今者
二三子並至誰招延皆言小麥熟從事場圃間山中一

月雨高壘生流泉持鑣空躑躅沽酒聊纏綿暮霞何澹
泊西南起炊烟出門指邨墟阡陌相接連幸蒙先人力
各保百畝田春秋恣往來晨夕欣盤桓錐刀誠可鄙文
史寧盡捐苟能勤耕獲亦未虛歲年無以子衿詩而易
蟋蟀篇

送稼民返舍

獨向斜陽縱轡遲新晴風日促歸期登樓西望千重黛
此是今生近別離

霽日

曉霽霧欲收青山自吞吐
朱曦盪積陰朗然當我戶
俯視見䟽豁聚落粲可數
溜水抱日來浮光動禾黍
農夫擊析集鄰舍縲絲語
飽食出溪橋微風坐停午

酷暑醉卧夜分疾暴作
幾危頓比曉愈戲示小
妻

人生生死如晦明嗟我未識
猶營營人生疾病當炎暑
如鳥遭籠魚在煮狂夫嗜酒
三十年此身那比陶器堅

聖人忽然爲豎子窮山深夜來相煎雷公沉酒羲和睡
獨使驚魂逃宿醉平明童稚笑相看一昔中山恍隔世
從今不薄劉伯倫老去低頭聽婦人

七弟德璉邀至郭莊朝往暮返亂溜水行是日
微陰時復細雨

依山欲十里經流凡幾渡輕陰既涼颼宿漲開沙路暖
暖烟際村濛濛水邊樹遂至惠連居頗諧潛夫趣虛樞
積暑避老屋遙山護蔬果不外市雞黍亦立具童時憶

曾過州髮今已素留連感平生長日易爲暮伏雨止復
集小駟嘶且顧幽興屬清溜朝昏映來去

與吳客食佳李

團香融蠟玉盤堆乞與吳兒一百枚飽啖知卿減鄉思
那餘風味到楊梅

七月一日登前山卧石上與道士語久之

日日對孤岑微風落磬音扶筇秋乍曉覓路樹逾深青
壁漱塵夢黃冠通野心稔知霜葉好留傍夕陽吟

曉起即目

睡足愛秋曉迎涼獨啓關
初陽微寫水餘霧散棲山
樹與禾麻競人將雞犬聞
遙憐五侯宅春夢未闌珊

再飲溪上

浮烟幕村榆柳晚返照侵溪沙
水淺塍間鳥雀驚忽飛
林際壺樽紛又滿酒人正與夕涼期
坐客還云席地善
石梁經日尚溫暾莎草承秋校深
輒行觴碧波爭迅急
對踞蒼山交偃蹇稚子環看入畫圖
老農錯語通寒煖

是日晴天無片雲新月如弓挂遙巘殘鐘出寺一帶風
高屐過橋數聲犬蓬心已逐大火流塵袂更教清露澣
他年應笑竹林人黃鑪自近公自遠

答十一弟緩庵見懷因寄諸弟四首

問訊山中况能來領畧不屋廬從草草水木故修修未
稼十分雨峯巒三日秋憑君試遙度此境尚堪留

案酒溪魚小充蔬野菌香行依林作幃醉愛月臨牀秋
淺宜新健山深縱老狂閒尋高士傳若箇足相方

自有琴樽樂還將婦孺俱敲針任螭虎說稼與清娛多
事傭春隱何心擊缶呼朝來感懷抱巖畔見茱萸
荷汝殷勤意連朝嬾報書恥爭雞鶩食坐使脊令踈好
月相延佇荒庭與掃除應携遠山色歸去慰離居

七夕偶題二絕句

機絲嬌嬾不成章牽惹黃姑伴恨長格是佳期聽去聲烏
鵲隔河無事莫相望

飛車交碾海生塵奇巧由來屬世人傳與天孫湏下乞

銀河一葦即通津

秋光

解道淵明日夕佳
秋光次第列山家
薄寒淅淅浮雲葉
細雨濛濛養豆花
螺髻千峯爭渲黛
蟬聲萬樹半拖霞
橘中不羨商山樂
况乃飄搖上海槎

絕句

中元暫
返里第

住山情未厭
奈此城中節
山月苦隨人
天明不成別

養病山莊自贈

息機逃世網所樂在幽僻自纏疾痛來體性彌不易門
戶矧多虞氛垢日以積託茲屋數椽拘維暫如釋分庭
得翠嶽習我相主客春風去不盡紅藥猶狼藉掩闥策
枯藤獨踐昨行迹高鳥未倦飛斜陽暖將夕

偶題

坐起如孤客誰知意緒佳高閒三歲病富貴一庭花綠
麥朝經雨青山晚上霞餘生能保此何事覓丹砂

悼脩竹

碧嶂清泉總可悲，萬竿脩竹異平時。
主人猶自矜風調，不惜荊花惜柳枝。

微雨山行

小麥花開林始萌，村墟處處黃鳥聲。
肩輿曉出犯霧雨，住山一往多山情。
岳陽南下紛澗壑，羊腸數折分馬陁。
我從世中來，措足轉覺坦易無。
歆傾連峯倏閃溪沙白，濕雲散入炊烟青。
飛鳥忽縱見平曠，東西石馬相逢迎。
隴頭草盛耰鉏聚，林端人過雞犬驚。
何當桃花未零落，

仙源作記煩淵明

石馬村東
西各一

田莊贈十一弟

結屋偎青壁當門界白沙
山雲千畝亂溪月一條斜
飯美蔬厭雨樓香棗送花
比年康樂思對爾欲無涯

涉淄水感懷

鼓瑟吹竽豈自由少年鹵莽
長年羞而今不作齊門客
才沂清淄最上流

循淄東下偕十一弟及樂伎

溜水多伏流浮沙渺雲雪兩山夾步幃錦綺參差列綠
山出村落頗有佳田疇山風吹隴麥湧作溜水流衰翁
跨蹇驢兀如乘舴艋快意綠陰中矍鑠思一逞自我廢
行步遊涉恒因人因思舟船適共說楊子津今年定有
年我疾亦應校及爾裏贏糧秋風期鼓棹

重過邀兔厓

不至幾四
十年矣

竹馬心情老病侵嬉遊舊迹與誰尋攬衣無限存亡淚
屋角低迷夏木深

郭莊夜坐示七弟時十九弟自麻莊來與十一

弟先醉卧

空村轉山陰落日荆扉啓壺樽儼然陳知汝久相俟
蕪甸隔歡笑盡日困邈迤解帶就中庭新月色如水小
弟何處來移家傍畏壘阿奴幸不至火攻吾免矣夜分
各醉散偶語未能已家門盛衰由老大哀樂指南山白
楊風石闕自硯碗榮名良足寶勿遺後人恥

喜孫淳夫王通遠見過

林下移茵避午晴溪頭跋馬辨人聲
解襟相對有野意濁酒一壺還細傾
日影留連緣北至麥黃深淺入西成
草烟犢路頻來往便可山田事耦耕

月下塲中聽歌

晚霽塲園靜空村雲月閒此時歌白雪
偏稱對青山十載違高調中宵解病顏
溜流入新雨清響寫潺湲

寄訛稼民弟登馬鞍山

十里馬鞍山依依戶牖間峯巒列城堞
梯磴造天關雲

月忽明晦仙靈應往還望賒疑夢寐病起待躋攀羨爾
身手健當茲耕稼閒杖藜入蒼翠行飯上孱顏名嶽分
尻臂清淄轉玦環看余高卧處黑子著塵寰

暫歸省侍

夏雲鬱重陰長晝趨庭闈清涼雖適體寧不懷炎威入
門奉杯酒歡顏幸無違槃散卻伯步爛漫菜子衣疾病
歲月永放佚禮樂微嗚嗚竊自保憧憧何所希

宿因園

獨卧境倍寂，心情恒有聞。
終夜風雨聲，水與竹平分。
經時棲窮山，自謂遠垢氛。
却返鳳麟洲，顧笑麋鹿羣。

夜雨曉微山行漫咏

霧外雞爭咽，村邊客暗過。
溪流夜痕亂，山雨曉涼多。
幽徑披禾菽，生衣潤薜蘿。
空慙荷鋤侶，猶未具烟蓑。

觀漲二十韻

積陰歸山南，風日啓清麗。
午景浮前川，奄忽水大至。
初聞聲震蕩，澗壑助遠吹。
漸見勢瀰漫，坡壠各易位。
前奔

如有程橫潰遂無際擺簸困喬林崩騰圯厚地荒涯牛
馬迷吼沫兒童憐空村走若狂余亦曳杖出半生放浪
遊動與潮濤會濁河千丈波八月夜掉臂竭來卧山陬
每愛沙水細消長固有時變更或失計乞假淫潦資依
倚岡巒勢造次快狹中蒼黃逞雄氣蛟龍羞蹙縮魚鼈
縱凌厲小利欲何成暴興恐難恃大海在宇宙終古不
涌沸一瞬汎濫流祇遺元冥媿褰裳謹漫投濯足存深
致高咏秋水篇斜陽斂晴翠

雜題三絕句

積雨藥欄斜復斜
日日出看朝霞墻角已然覆盆子
樹頭猶絳牽牛花

宿醒初解飽藜羹
捫腹荒園自在行
擬喚鄰翁誇食指
兩畦新長紫膨脝

移牀恰就井欄平
槐葉陰濃水氣清
機事自勞心自逸
夢迴不厭桔槔聲

耿明府再枉山居奉留小飲

伏雨霏來徑倍荒
亂蟬聒處日猶長
頻教仙令過愚谷
始信閒人住醉鄉
白水青山圍促席
紫茄紅莧侑飛觴
前驕莫便施銜轡
門外秋晴澗草香

七夕示內二絕句

香濃燈暗立秋庭
近月微茫欲辨星
窺盡風情是烏鵲
人間空自媚丹青

宿醉狂顛近病慵
明河篇詠媿春容
衰翁都未經營巧
那得天中記到儂

十四弟邀同王眉山之城子莊兩兒隨行道中

戲呈眉山

秋山前分遠相引秋水中曲行相遮山似主人久傾待
水如客意紛交加蹇驢亂流等鳬雁稚子疾走過磨麕
知君體極念平陸黃塵深穩眠牛車

王居新城地無寸山

晚出城子莊感懷

落日溪山劇可憐散霞斂黛入村烟村東老樹渾相識
春雨騎驢四十年

錢塘曹自蕙來視余山中將之歷下訪友

門前西湖水枕上浙江潮作客二十年此間誰久要我
病不能行君病不能止驚蓬將落葉正值秋風起擬過
大明湖愛其清且淪湖月照歸夢西子笑煞人聞有賣
藥翁壺中隱天地拄杖會成龍贈君莫輕棄我本東海
客願從安期遊當飛赤玉舄與子偕來不

書病三十四韻

積飲腰脚濕我行浸不良左杖杖乃立右杖人乃行立

如枯朽株臨厓常恐傾行如弄郭郎俯仰何郎當所居
是危樓去地尋丈強上下恒慄慄甚於陟高岡因之出
入稀竟日依匡牀傷鴻與病鶴垂翅常悲鳴引頸望青
宵已矣將翔翔逸久筋骨舒避俗心神清况爲婦所制
什九損杯觴秋風來起忽淖暑潛退藏通覺肢脛間蠕
動如有營初試屢畏縮積日能支撐乍可歷相闔漸已
出戶庭遂踈婢與僮不復揚粃糠惟有所持杖與我欲
合并不謗毀推擠勝朋友弟兄雨後天氣佳獨步越溝

膝逶迤一二里至止溜水旁盤石故無恙陰陰樺與檉
恍忽增感歎坐起久傍徨秋水瑩於鏡照影萬念平水
東蕎麥花浮浮蒙雪霜我髮亦如之尚競何短長新卜
杏葉嶺其兆獲允臧餘年自天假寵辱皆過望足力幸
見還覽蹇固無傷跡落吳牛隊吟作樗雞聲村氓盡相
安山鳥亦不驚南山千萬樹斜陽變微赭歲豐人和樂
病起心飛揚林足不虞客稼畢宜多晴寄言舊遊侶能
來我同登

枕上聞雨口號

農意欣厭客興狂雨聲半夜滿
藜牀浸淫麥脚赴春日
洗滌林梢承曉霜

偶行溜岸見病涉者遂呼工伐槐樹爲橋於水
上既成以詩落之

村東溜水寒不流行人脫襪愁窮秋山深奄冉北風起
霜及如水割人趾山居雖抱利濟心腰無屣帶思不禁
老槐蕭蕭花落盡甘作津梁辭故林匠人交臂集溪上

三日荒村斧斤響門前綠陰減數弓水面蒼龍橫十丈
嗟爾百年材始成安得扶持大厦傾從拚歲月山林老
且就支離鄉黨名

晴蓑道人歌

長空雲暗蛟龍泣短褐錦衣盡霑濕一蓑不蔽天下人
自愛襤褸僅稱身曦輪忽碾浮雲淨物態繽紛入明鏡
豈知天意厭昏霾却遣人心艷華盛妍皮癡骨各自驕
高冠奇服爭市朝機中狼藉千女指馬上摧殘百獸毛

深山有客堅避世芙蓉爲裳蕙爲帶道人大笑何必然
安能翻飛去人間短蓑一著無冬夏青天白日相周旋
相周旋從來久斜風細雨無日無激電轟雷有時有陸
魯望張志和散人漁父共高歌但願長晴不願雨霜月
滿身篤速舞

趨紅樹

雨足山容重秋林不悅人微茫覓紅意黯澹度蕭晨舍
弟飛書數鄰翁送酒新因風謝青女九日只踰旬

送常熟馮代公元振南歸因懷其弟伯高

南風吹夢阻山城
騰引歸心促客程
別酒杯深迷返照
驪歌聲緩雜流鶯
年來漂泊憐兄弟
老去心情戀友生
若見江湖舊知己
道余泛宅計將成

寄聞喜同年張潮州四首
令子亦堪久在余家
今以季夏西返

積雨添愁思
臨歧更不任
病滋新別泪
酒引舊離心
往
日空裁賦
高山自入琴
未甘同蟋蟀
不俟早秋吟

楚辭
有惜

往日

攜手瘴江邊分帆二十年鵬飛終逝北龍卧詎移淵書

到落花後人歸霜月前近應減悲喜消息未茫然

珠江別後

今年始得君書

太行邈天上君在太行西雨向汾陰暗峯將海日齊哀

年稀夢寐壯歲苦攀躋尚想東西塢

二嶺名

嶽峯入馬蹄

故友都零落端居只憶君始憐疑落月絕勝咏停雲老

有相扶藥窮無可送文殷勤寄懷抱但恐不堪聞

題因園聽泉榭

池光迴映曲欄平，澗水遙穿洞戶行。
竟日深林響寒雨，四時空谷送秋聲。
主賓談向銜旬息，魚鳥心從寂歷生。
憶訪仙人閱亭館，水精簾檻坐分明。

調馮生南歸不果夏垂盡矣聊以慰其客思爾
馮生初騎齊地馬，揚鞭欲馳且復下。
何如安隱乘扁舟，夜半月明聞棹謳。
夢迴高枕匡牀雨，疑是廬山山上頭。
借問何緣未歸去，本畏嚴寒不關暑。
九江老翁言語誇。

相留計日成丹砂幻人方士跡如鬼使爾參差空憶家
對牀有客同鄉縣絮語明鐙常達旦靈霖穿屋雷破山
長晝酣眠不聞見我有善策與君期夜惟飲酒朝吟詩
酒爲客舍愁中物詩是君家世所司擁鼻寒蟬聲屢絕
銜杯倦鳥飛仍歇人愁我病共蕭條奈此新晴好明月
請君強笑開君心圖歸莫問囊中金西風無錢會相送
一夜江河秋水深

拙弱蟬

高樓飲清露自謂無所求忽緣山風墮適與池水謀池
水深尺餘綠淨當深秋纖鱗不容躍薄翼不能浮初投
木葉落漸轉車輪周冠綏困倒側狂噪聲如抽我時倚
危欄憐爾爲爾羞失勢辭喬柯貪生負清流呼童拾竹
枝立具梁與舟遂使伏機羊化爲釋縛囚亭南日正長
據牖曝且休微煦似有覺徐鳴意相酬駭童久旁睨引
手鷹上鞬翻然棄人去寧爲恩私留本蓄冀壤心妄託
鯢鵬遊勿狙今更生螳螂滿林幽



因園集卷八

欽定四庫全書

集部

因園集卷九至十一

詳校官左中允_臣瑋五珠

助教臣常循覆勘

總校官進士臣朱 鈐

校對官編修臣方 煒

謄錄監生臣李 蒼

欽定四庫全書

因園集卷九

左贊善趙執信撰

浮家集

仲冬携家南發

似有風塵負重教惹病顏殘
年累妻子多故厭家山舊
夢江湖杳荒程雪月間溪聲遠相送擬問幾時還

東月下扶羊嶺口號

新醅寒送甕頭香
絮被羊裘煖覆牀
窗際分明曉來月
却於半嶺見微茫

鰲陽店

谿淺林荒路轉生
午雞喚客入村行
太山東下山無數
只有鰲峯解送迎

渡沂水即目

水落風高沙滿天
板橋搖動劇於船
風波惡處亭亭立
白露飛來乍可憐

峒嵒道中示兒二絕句

斜陽峯壑有無間，登頓從今合放閒。
前路江河久相待，更迴馬首別殘山。

長途風物未能諳，指點平堤小駐驂。
雲斷天低波動處，檣竿簇簇是江南。

微雨登吳船贈內

河北征人舍轡行，江東舟子刺船迎。
一千里外聞鄉語，十五年來識棹聲。
襖被從霜寒雨淨，關門不待曉雞鳴。

蓬窗兒女渾相對別有天涯歲暮情

淮安感舊

老友遂無一人矣

三日維舟楚水濱重城出入劇酸辛乍過衢陌疑前路
幾歷門庭失故人便恐蒼山都化冢賸憐碧海未揚塵
不辭忍淚還同醉年少爭依隔世身

抵揚州

已丑至亦以暮冬

霧外風生日上遲湖水如鏡一帆馳十年重入揚州夢
殘雪東門繫纜時

贈老友王義文

心貌日高古生涯長困窮繁華遺俗處風雪閉門中詩
格年俱老雄情酒並空祇應携麈尾隨我向江東

題王竹村詩卷二絕句

蜀遊及與曹棟亭
嵯使唱和二集

愛君溫潤足詩情試把新詩眼倍明西笑悠然識風格
峨眉迴映蜀江清

橫梨襟情憶阿瞞不教詞客喚粗官庭柯引得東方鳳
却與羣鷗一例看

旅舍苦雨

北人憚船居失喜入城市誰知屋三間仍與船相似東
偏啓門徑西頭著妻子就中容一席狼藉堆衣履僮僕
隱牆隅坐卧雜徙倚是時天陰寒十日雨不止荒庖斷
續烟敗砌淪漣水窺天如墜淵墜戶每堅壘行蹤脫塵
垢客夢困泥滓扶杖出何緣揚帆興翻起飛書問舊故
恍忽半生死鶴語悲千年海勢限萬里中路滯留難遙
期歲華駛佳霽恐無時因風徑南指

晴夜發舟

殘雨將寒泥客程好風送夜似多情布帆載得揚州月
直到江頭看放晴

渡江指金山示舟中

曉帆翩翩下瓜步風引鳴鉦入江霧亂霞紅與日留連
寒浪碧於天晚暮輕舸平進疑不前後岸潛移驚屢顧
中流水落見滌河大海潮歸罷馮怒長年舞櫂指南徐
稚子登艫迎北固金山獨立出江妃翠袖明妝澹容與

高樓綺疏迷故棲歌磴彫闌敞仙路可能畫境絕遊人
便合將家就中住

奔牛道中大雪

北風吹船船欲裂萬里寒門吼飛雪空濛江國氣慘悽
宛轉河流冰斷絕避地南來惜病身圖於煖日漸相親
嚴寒隨我不相捨蜩縮蟲號惱殺人

風雪泊胥江三日

憶昔初維吳地舟胥江烟雨沉清秋十年浪迹經三度

花月迷離和夢去而今衰疾尋前轍滿眼江山對騷屑
空將賀監酒邊身來卧王猷蓬下雪大船小船寒不移
城扉半掩聞流澌欲問城中誰在否故人三日不相知

重寓葑溪

雪擁葑溪駐短橈城烟巷日未蕭條當年冒雪行吟客
白髮人扶過板橋

辛丑元旦

墜漢有還星乘秋見聚螢判年連雨雪隨客具家庭暮

齒燈辭夜鄉心酒注瓶比鄉吳語沸夢覺不中聽

二日南村以小舟見邀冒雪至其寓齋晤汪叟
共飲因談出世之事

屋埋袁安雪巷絕陳平車偶緣剡溪棹直造彭澤廬客
情况未寧春氣慘不舒旨酒暢夙契清言探至虛坐中
老懼仙妙義宣最初將遺黃石履聊發青囊書塵網我
自縛枯株今見噓因貧遂疏澹藉病成掃除况逢膠漆
交各保衰殘餘動靜與世隔形神將道居巖壑理可恃

洞天望非紆推蓬卽林屋浩然同所如

陳傅巖宅飲滄酒二首

故人藏美酒相待幾經年握手春風裏銜杯暮雪前清
談抽別緒紅燭繁華顛莫覓當時醉滄津意渺然

香歸滄漠色歸空吳越甜濃拜下風借問當筵賞心侶
何如北士到南中

南村同舟至虎邱訪汪叟

平江小艇如浮蟻誰知中有天隨子虎邱比屋如聚蠅

誰知中有安期生春風吹來作賓主
悠然世外成將迎
斟酌橋頭沽濁酒閉門各哆談天口
松雲盡處波濤多
從今扶曳頻相過

吳中多見故人

南來問舊屢潛然
賸喜交遊此地偏
鬚鬢蒼黃驚雪後
觥籌明白聚燈前
不愁落日還聞笛
肯向空江却棹船
得結漁菴傍臨頓
撈蝦乞米擬終年

亡友顧小謝之子長成示以四韻

帝京詩結契甫里客依棲往事人俱盡遺孤我獨携行
年近文賦學語避家難赤驥非凡種無輕萬里蹄

旅舍苦寒

溪邊一區屋瑣碎似蜂房曉日不入牖天風常撼牀按
囊失裘褐携幼訴淒涼穿地燃山火春溫屬故鄉

門人李定洛爲余僦得陳氏西園兼具器用遂
移居之頗有池亭竹樹

客遊如躡空所倚在同好不有磊落人緩急焉可料中

吳舊知己文酒萃衆妙何期援鳴琴往往發苦調子從
天上來爲我濟枯槁黯黯寒霧中孤光耿相照餉遺歲
事修招邀旅愁掃旁舍僦閒園水樹春窸窣野性嗜幽
寂羸軀容簡傲幸能亭子雲奚必宅安道况復盛供張
老屋開新耀既徙忽如歸婦子喧語笑高樓臨廣池卧
起得登眺快心乃不翅沉痾倘終療諸羣尋聲至有時
挈榼造請子爲涖盟從容理歌嘯

寓樓見梅花

春綻池邊向煖枝微香初送暮窗知不緣積雪相欺得
坐到樓西月暗時

風雪寒甚聞鄧尉梅花盡矣遂罷同遊之興簡

南村

人生惟有登山臨水可自由興至即往無所求鄧尉梅
花繁魂夢況與好友期同遊先期十日具小舟北風旋
春作臘月十日乃有九大雪凝冰黏地雲凍天城郭悄
悄櫓聲絕小庭一樹梅始花枯條殘蕊臨池斜遙想太

湖三萬六千頃寒氣浩汗山難遮含香蘊玉無限樹摧
林掃地一一成泥沙與君對酒空咨嗟君既低頭就塵
累我又跬步苦不遂眼前何處容快意不如徑出人間
世

聞尚有遊鄧尉者寄訊絕句

坡公偏趁未花來白傅誇稱愛半開何似寒風送孤棹
湖山尋偏爲殘梅

食河魴六韻

近體

水族有殊珍逢春乃一薦空懷酖毒資豈免烹魚獻玉
筋撥羣羞彫盤厭芳宴濃香越女愁軟美江瑤賤天使
並蘆生人常輕果諫寧知惜命翁談虎容顏變

園中桃花頗盛

仙源無處訪桑麻閒看漁郎引路花忽憶春山新雨後
斜陽屋角散紅霞

春長暮行

良辰佳事春三月惟有江南最闌咽綺羅絃管如屯雲

此意要令天上聞天上寒深積氛霧星沉日晦雷霆怒
爭知勝地隔烟波別是人間行樂處閒居有客夢驚迴
醉倒花前更舉杯再拜青春願長暮年年夏日不須來

贈李客山

始與李生言世味一何寡既見所爲詩乃知真靜者棲
神入恬澹肆力薄風雅古意默已領孤懷間自寫此邦
盛人文千載非苟且自從科名張不覺江河下邇日尤
波靡篇章但土苴誰識荆山珍潛待連城價我來披荒

蕪獨立賞蕭灑晨夕樂居村茗香期結夏松陵烟月新
擬續昔吟社相贈無常辭願得白與馬

和陸耔宜止園感舊

小謝別業也
在支硎山下

西莊秋月憶流連舊夢輕拋二十年魯望有居臨鶴市
道林無冢近寒泉桂叢人散香歸水芸葉庭空翠化烟
腸斷稽康鍛時侶殘春獨憇竹林邊

卽事

竹裏幽禽弄曙聲短衣携杖繞籬行荷錢貼水田田散

榴火烘枝的的明
案上鵝溪憎迫促
門間狗竇罷逢迎
園林未是陶家物
莫遣蓬蒿滿徑生

夏日甚寒

池上春光去不留
涼風作劇入深秋
今年準擬稱高士
垂釣看披五月裘

調南村

憐君久客去留難
幕燕檣烏強自安
出苦舟車天積雨
衣空紗縠夏多寒
人情公叔堪成論
仙路淮王未就丹

猶有金門詩酒伴却從流落奉清歡

微雨出望齊門

飛禽有來去久客亦樊籠出郭烟樹好臨波心眼空遊蹤迷細雨往事入迴風欲上城樓望鄉關碧海通

蠡口

扁舟吳越恣迴環賸弔遺墟杳靄間一種鴟夷隨水去
濤江號怒五湖間

雨大甚小舟不可前野泊蘆中遙寄寓舍

濕烟爭歸蠡口樹斜照不開烏目雲風和雷電一時至
雨與天水難可分蓬席全收幄幕用菰蘆合策堂皇勲
行人此行幸安穩破冢馳書相報聞

暮抵常熟止翁秋允齋與陶改之夜話

滿山青翠半城烟舊客來停日暮船還向高齋展長簾
頓驚小友入中年存亡虛憶風過牖身世難憑雨暗天
蠟燭有花如解笑杯中興亦減於前

飲改之齋中觀其近筆數首

余以戊午秋與改之先君子師先生

訂交

濟南

積陰垂天天在夢城市沉沉息迎送故人開徑掃荒苔
破曉相邀見情重門前池漲欲侵扉屋後山雲每穿棟
當窗橫几堆圖書坐我如陳怪石供雲中飄墮惜斷鴻
濟上追攀懷老鳳名成了與事無闕身退要令心有用
新篇出視倦眼明恍忽晴曦照浮動始驚題目託迂闊
漸識精神工錯綜古史披開大木叢遺經匯入奔流衆
策安太傅涕空揮引罪舍人言屢訟嗟我老大獵虛名

俛仰執鞭隨屈宋偶逢快士通唱訓敢向名山藏怨諷
輸君才更富於年努力詞場縱飛鞚竹林勝侶衝泥來
永日歌呼雜嘲弄中郎秘賞潛夫論公子看成酒德頌
狂酣不怕雨翻盆夜分卧近牀頭甕

王西澗招飲見余風鳶之什病其一字喜而易
之即席呈謝

誰解攻吾短平生君尚存便應師一字何減和千言古
道浮雲薄風詩野水渾高歌空郢市下客滿齊門善病

知方藥離居重酒尊終期來卜宅細律老同論

登超然閣望虞山方苦雨不得遊

棟宇開向山雲烟坐盈閣良朋許追攀美酒恣盤礴清
言殊未厭長眺忽不樂荏苒十六年英靈責前約嵐光
見掩映瀑水想噴薄幽蹤石崩奔清夢松拏攫靈霖故
遮籠病客就束縛無計限籃輿何心任芒屨似聞破山
院已失昔蘭若勝境亦靡常今茲儼成昨諸君意惓惓
留我縱歡譔新霽指佳期逡巡未能諾

鍾吟馮先生宅感懷二絕句

青山一掩子雲居
風簌松門雨漲閭
破屋時聞吟嘯苦
諸孫寒餓抱遺書

問世鍾期強聽琴
潛依流水寫微音
敝廬未解相料理
枉被名卿妬範金

阮亭司寇謂余尊奉先生
幾欲範金事之爲不可解

爲求書者所苦戲題長句

童年弄筆學臨池
形狀乖離寧自知
一朝逐隊玉堂上
惡札人誇我不讓
同時能書千百家
一一揮斤稱大匠

鍾王連車顏柳棄孟津穢解華亭貴金針閭度香泉生
垂手迴腰作妖媚人間惟有上黨馮石室秘法傳來工
遺書拜讀恍夢覺却笑舉世皆捋風癖耽苦學今白首
心目分明難上手更趨世好乏精專賸與吳興給奔走
昔賢歷歷如星雲紙墨黥澹餘精神粗知布置亦無益
生氣頻盡真死人長史微言靳要妙時流但解求姿貌
未經入室數家珍門外品題徒絕倒狗名好事忘我疾
腕脫眼枯復何必諸君且休共我談老馬識途猶尚堪

飛魚殺兔日有事拔旗穿札誰能嫌不然老夫將逃矣
明日衝風摧挂帆

閒園偶疾

倦遊偏覺歲時徂歸計荒唐夢亦無僻處閉門饒水竹
客中卧病對妻孥拙謀未就尋山誌豪興甘辭貯酒厨
喜與壺公近相識幾將藥物遺潛夫

喜門人仲生至

昱係字姜
梅常熟人

積習相求人不知但云家在海之涯扁舟還似山中至

正是去年相見時

送南村之金陵

薊北遙聞日倚閭
浙東消息近何如
長江有夢交加路
潁尾休令更寄書

中秋細雨夜泛虎邱

微風和雨裊輕舟
仙侶相將耐夜遊
澹泊月光渾嚮曙
淒迷燈火更宜秋
綠溪越舫喧殘醉
夾岸秦簫倚妙謳
爲問西成充羨否
吳中自古不知愁

遊滄浪亭六首

碧波涸盡芰荷空
落落危橋一徑通
小阜孤亭渾不改
石枰斜抹夕陽紅

春風舊壘幾綢繆
海燕歸飛不耐秋
敢是自來還自去
主人終竟屬湖州

初闢榛蕪便結庵
詩翁何意伴瞿曇
而今會得經營巧
身後剛容住一龕

南禪臺殿未全崩
賸遣遊人感廢興
白傅藏詩無覓處

山門贏得賣茶僧

曲榭深堂宛轉安
朱櫺碧瓦照荒寒
御書亭子喧卑外
別起高樓直北看

梁苑相如故倦遊
謾誇文酒擅風流
平臺未是題詩處
留待當筵菊部頭

九日後二日與馮三躬暨泛小舟暮泊虎邱山
後紅樹下

溪淺山黯澹移舟薄暮時
菊花殊未苦楓葉偶相知
鰈

菜秋行酒蓬窗月對棋他鄉作重九歸日不勝思

冬夜盜入寓舍取求書絹素及借來器具以去

成十二韻

將家爲客暑寒移老屋荒庭住故宜敢以文章充貨貝
聊因水竹起藩籬舊交乞假施棐几年少過從羨墨池
隔日街頭買鮭菜比鄰燈下見書帷門生匝月空邀醉
開府經冬爲療飢儉歲支吾中饋倦羞囊消息典家知
辭餐每媿劉真長作劇偏逢戴苦思半夜雨聲人宴息

平明晴色舍獨披絹佳去製他人襪釜破留供稚子炊
堂室空虛元自慣庖厨周歷想應嗤珠拋象罔求何益
火失參元賀莫遲猶有詩篇盈篋在肯輸光燄與偷兒

因園集卷九

欽定四庫全書

因園集卷十

左贊善趙執信撰

金鷲館集

元日野行至虎邱訪汪叟山居

歲朝連達明舉世狂奔走火盡爆竹寂於人竟何有老
夫睡足起小飲隔年酒扶杖歷溪橋傾心嚮山叟微陰
水澹沲餘烈風颼颼莫厭野荒涼會見春花柳望塔屢

促步叩門乍携手案有設有核胷無宿塵垢談言出烟霞歸路迷林藪試問今日人頗復有此否

贈何樊圃

本吳人今家杭州

何生天下士逸氣凌太虛心隨鴻蒙遊家傍湖海居才大不可降入世憎拘迂偶然涉技術管郭遂並驅胷羅山川秘手握造化樞平生仁智情藉此聊發攄豪吟愁憤中縱飲衰病餘去吳四十年作客來鄉閭余昔飄忽別再見悲喜俱雖對鬚鬢改未覺肺腑殊往事空鬱積

古風久淪胥流萍湏臾聚逝水晝夜輸恒恐宇宙狹未
易容此軀茫茫吳越間豈乏幽遐區憑君語山靈爲我
開雲衢大地何處避諸緣倘自踈焚絲斷婚嫁急景收
桑榆薇枯紫芝長偕往無趙趙

泛楊城湖

春江屈注漾澄波門趁無風有日過薄暮迴帆覺船重
酒邊鄉思載來多

上元觀演長生殿劇十絕句

傾國爭誇天寶時才人倒解說相思三生影響陳鴻傳
一種風情白傅詩

遙指仙山喚太真華清一浴斬然新怪來宇內求難得
元在深閨未識人

脂粉無由汙淡妝雙飛端合在昭陽酷憐姊妹開來豔
虛憶梅花冷處香

溫泉清滑浸芙蓉玉女飛來太華峯石作鳬魚猶觸忤
那教取次近緒龍

月殿酣歌夢許攀輕將仙樂落人間笑他穆滿無情思
身到瑤池白手還

垂老荒迷花月場臨淄英略未銷亡投珠抵璧尋常事
夙遣元臣駐朔方

蜀山秋雨感飄零殘夢頻迴舊驛亭妙寫鈴聲入新曲
可能渾似月中聽

牛女經年夢亦慵翻從人世管情蹤玉妃應有婚姻牘
才過開元便得逢

黃泉碧落事荒哉
差勝樓船去不迴
本與求仙情味別
何嘗身欲到蓬萊

清歌重引昔歡塲
燈月何人共此堂
六百餘年尋覆轍

菟裘怪底近滄浪

余以此劇被放事跡頗類蘇子美昔過蘇州有句云聞道滄浪有遺築故

應許我
問菟裘

止酒

年衰萬事倦對酒意多違
自識今能否誰論昔是非
攝生甘寂寂頌德尚依依
從此高陽侶應憐不醉歸

春日閒居雜興

慣作吳中客，偏於池上居。
波光映朝夕，春色媚堦除。
老柳烟絲轉，新桃火齊舒。
綠斜緣壁薦，白小避人魚。
石迸微抽筍，庭荒自茁蔬。
開門見麴麥，乞友種芙蕖。
溪唱催鳴櫓，鄰簫落步虛。
晏家從近市，陳巷不容車。
西蜀經營始，遼東漂泊餘。
生涯賸艱食，俯仰愧煎魚。

留仲生

去年悵望往來舟，今日荒齋獨爾留。
濠上樂魚偕惠子，

竹間羈馬得之采珠辭合浦還應誤璞匿荆山獻已羞
眼見蟲沙滿城郭休從戶外覓交遊

王羲文自揚州再至

前年相見江干雪去年相送霜林月祇今就我及深春
桃花柳花迎故人蕭條客舍住經時我不飲酒君無詩
日夕高談不知厭絕牀竹杖俯清池疇曩追尋足哀樂
此意要令兒輩覺春光冉冉隨流去投老留君復幾度

贈王詒然鍊師

一笠一拂子飄然何處來
相看出塵壚共語坐莓苔
道氣山巖秘仙期劫火催
棲鄰得深穩浮海且遲迴

寓居新營門屋

局促復局促狹巷與破屋
更教蘚壁一帶陰遮斷秧田
千畝綠蓑衣墩前草樹濃
朝曦暮靄交翠紅早知烟景
麗如此合是開門元向東
林塘彎環溪流轉溪上風帆
來近遠客到惟貪野色佳
門前坐卧門前飲欲移勝賞
入中庭池北牆頭起草亭
諸君能爲王錄事好待秋晴

携酒至

王鍊師之洞庭東山因寄所主席氏

羨君家傍林屋居碧琉璃上開精廬偶經殿陞一嘆酒
歸卧烟霞惟著書我欲携筇遠相訪莫釐峯下恣來往
聞道松雲擁翠微此中豈有塵埃想長抱心情奈病何
洞天窈窕許誰過淩秋遙見赤松子直駕蒼虬劈白波
老僕自故鄉來省候

投筇聞人至中懷詎得舒殘年親舊僕久客怯鄉書弟

姪存亡隔田疇水旱餘飄零尚多累愧爾遠求余

王南村重寓虎邱旋之西湖訪其表弟錢塘令
身落江南夢不移飛鳥三匝未安枝湖山風月年年改
爭遣人心似舊時

錢塘明府賢中外應向花前說故鄉莫只臨波愛君子
忘憂容易入秋霜

池北構室畧如舟製小樓冠壁極望平楚日夕
曠然可盡雪月之趣

思光貧無屋牽船却上岸永叔作舫齋高文世爭羨近
來巧規製但欲侈輪奐往迹偶相循勝境時自獻茲廬
亦人居歲月幾遷換垣墉暖蔽虧牖戶荒漫漶清暉日
晃漾咫尺不可見我來運新裁無計改舊觀故交數敦
迫合力佐營辦因材幸不乏闕地復何憚初矜外間敞
漸覺內清宴遂就佳簷楹水木洒然變四窗終日開城
郭充近玩山影墨池中人聲碧天半昔賢欣頡頏幽賞
恣昏旦秋月正徘徊稻香復爛漫過從素心人文酒期

無間雪際剡棹輕花時漁路遠暫成避地蹤未遁逃名
願倘披高士編應媿梁鴻傳

虎丘暮歸小舟口號

稻花菱葉滿流波秋色其如夕照何
暝泛不知柔櫓亂前川微月雁聲多

聞南村說近日西湖成五絕句

昔遊恍惚失東隅聽向尊前與恨俱
美爾輕舸去來處他年難絮得將無

花月爭邀半醉天風光何似紹興年已知歌舞休來久
留取湖山作可憐

平湖空水不容魚人迹誰侵處士居放鶴亭依黃屋在
更將封禪較相如

風篁松枯匝幽扉日日悲風捲落暉擬上高峯喚西子
分將濃抹屬明妃

空山清夢閉烟蘿重阻江南一帶波憶與漁洋解嘲語

平生六一未經過

阮翁未至西湖深以爲憾每引歐陽公以自解

池上桂花重九前始放

微雨暮來過樓窗香自生枝頭少女定池面上弦明物
色三秋逝淹留一徑成故叢黃綻否近節倍含情

生別離爲友人作

生別離奈病何枕邊一掬淚江上千里波秋風吹隴鳥
却向來時道豈不識將歸隨君異鄉好濃妝剩今夕香
閣失前曉鏡裏十年容君看一時老妾意長纏綿君情
寧棄捐願移君病著妾體宛轉君前不辭死

南村移居師子林是故人張顓三宅

遙從松吹認幽居恨賦偏成感舊餘
逝水年華鳳毛短飄風計畫鵲巢虛
山樓只有仙來往苔徑都無人掃除
衰病飛揚前度客重尋石磴曳衣裾

生涯我已入羣鷗何似君爲不繫舟
乞米未甘拙言語寄居猶擇好林丘
擔來僕厭書填簾卧處心隨月挂樓
此外惟餘我相對聽君酌酒數交遊

悲南村復往金陵

金盡囊空不自羞江風慣引去來舟遊人燕子磯頭見
便合呼君作莫愁

聞

清池長在竹籬前蓮葉生來倍可憐梅雨入檐侵乳燕
柳風吹牖帶新蟬稽生客至無妨鍛賀老船停定好眠
每擬龍沙覓消息不知閒外有神仙

贈鄰居黃孝廉孚五

桐陰入我樓竹徑宛相接未與主人謀素心遙共悅昨

來叩荆扉一笑覺全別溫溫就冬日皎皎落夏雪浮名
世徒稱幽抱我默結濡足汜溫中沉吟慕高潔菊意淡
可親蘭芬近彌烈晨夕多奇文未應遺清節

夏至雨中遣興

庭際寥寥起曉陰門前聲聲絕車音熟梅節過猶宜雨
苦竹年來自作林但乞厨烟消白日敢期鼎藥變黃金
流光又向人間短合傍江湖寄隱心

東坡水車詩聲
聲確確蛻骨蛇

貞觀半硯詩

古人不可見古物彌足珍何由劫火灰出此月半輪墨
精凝體質文燄護鬼神寥寥貞觀字千載今猶新想當
濡毫時得近蘭亭真文皇睿聖姿歐虞爲之臣治平堯
舜齊筆札羲獻親詎知几案間終起滄桑塵圭璧寧免
剖干莫忽中分所幸得所歸不向俗手淪主人何如人
疑是房魏孫故家與遺寶會合良有因錢刀方施行玩
好各盛陳願同鼎彝藏永與詩書敦紛紛詞章客賞譽
徒殷勤秋晴上弦夜何處容烟雲

偶過東田別墅

愛從幽僻問寬閒
小憩青林碧沼間
解與衰翁作酬對
荷花渾似昔時顏

苦熱二十韻

共道今年熱三吳
得未曾嘗尤初燁
赫闕伯故憑陵威
借融風扇驕看赤
日升九霄爐上覆
萬彙甑中蒸避地
知無處深居轉不
勝晝長惟兀兀夜
寂更懜懜始覺衣
冠累徐將飲啖憎
汗多頭雨漬氣極
腹烟騰垢膩隨身

具膠繭觸手增詩書渾再火枕簟謾如水慣浴情淫水
耽眠目悖燈樊籠拘戶牖刀箭戰蚊蠅羽扇救時相斃
甌耐久朋裸裎真足法剥啄底須鷹醉與昏相倚棋因
病不矜差勝趨府吏深媿住山僧老柳依朝蔭空池愛
晚泓時寬暫甦息吟苦遠師承人境都如夢天心詎可
憑遙遙問霜雪幾日始相乘

移牀

移牀就池上未許便清涼所愛夜不寐荷花時送香竹

近有露氣柳疎多月光
妻孥與烟火漸遠漸相忘

簡南村余與汪叟絕久矣

分泉已謝檀香井
乞火誰過師子林
傳語留侯須好覓
山邊黃石是黃金

祇憑靈語接神君
宛若無精續冠軍
青鳥飛來歲星去
白頭父老夢中聞

送兒念返里

獨向秋風動老悲
三年情事汝周知
祇憐作客緣婚嫁

誰信還家是別離鼓擢揮鞭南北路塞鴻江燕去來期
故園諸父驚相對若箇形容似我衰

知兒愚不祿

人來無汝書問知汝病久憶我臨行言汝命繫於酒汝
弟昨獨返強笑神懣悽新婚胡不戀我意默已疑重翻
家中書漸覺心不了了舉室相掩覆不向老夫道我從學
道來所期在忘情未能得病愈豈肯使憂生汝既不我
聽我何爲汝哀天地風波惡夢中汝莫來

索紙行

君不見相如病免過臨邛人前車騎猶雍容程卓何知
重文士偶緣令客來趨風丈夫無財亦無勢枚馬重生
不能一錢值賸將書札動交遊落落明珠暗中棄多生
宿垢根塵現老以虛名殉筆硯臨池却憶永浮屠一字
時人輸五萬近來不擬徒揮毫微潤聊且慰啼號眠中
吳兒詎得爾日日門前空索紙窮交舊識理則然金穴
銅山情最鄙公等不以財事人才人何苦虛辛勤金帛

與文字分不兩相親文星斂光避錢神烟霄失據冀壤
尊胡爲乎長卿四壁羞文君千金萬里來長門寥寥一
賦狗監聞天子飄飄欲凌雲同時在廷無比倫赤車馳
檄聲雷奔富人匍伏獻笑顰姓氏反賴相如存我今卜
居迫荒村鶉衣魚釜三寒暄所與往還惟賤貧一彼一
此梟鸞分吟詩作字強繽紛譏評賞譽皆狂昏逝將歸
去北海濱退筆瘞向青山根南望但見波沄沄此中墨
瀋千秋新公等齷齪何足云

田園集卷十